

Date: 6 September 1570

REF: GD112/39/10/1 (SHS ed. No. 150)

Place: Ilanran Castle (Killin)

From: Colin Campbell of Glenorchy (draft)

To: Dougal MacDougall of Dunollie

Endorsement: Ye copy of ye writin send to MacCowle

Rycht honourable Sir and traist freynd efter hartlie commendatioun. It is nocht unknawin

to zou ze cummeris

yat I haif and I haif few helparis onlie bott God and now sein ze and uyeris of zour
freyndis yat hes sum proffit of me nocht movand be zou bot be zour freyndis will nocht
do service yairfoir bot puttis me of with fenzeit¹ flatterand wordis. Samony of zour
freyndis

yat hes proffit of me nor ze will pay me my awin dewete of my landis as I schaw
zou oftymis. Quhairfoir sein ze ar nocht willing to help me nor zit zour freyndis in
my anster quhilk wor nocht zour comoun in particuler.² For I did my dewete to zour
hous quhen

it wes at ane scharp poynt³ and sall do ye samen as zit sua ye falt be nocht in zour selff.
Yairfoir and ze wor weill myndit to me ze wald caus sum of zour awin freyndis and myn
tenentis ewise Glenurquhay ains in ye xv dayis with ane sobir nomir with ii or iii nyghts
meit

quhilk wur esalie done to yaim. And I lipnit ye samen credet to Alane MacConache Roy
to shaw

zou ye samen bot I se yair cummis na purpois bot dryving of tyme.⁴ I pray zou
appardoun

me yat I write scharplie to zou for ze nor zour freyndis hes nocht ane excuiss now
bot my Lord of Argyle is weill willing yairto. I am ewill content and als varray
sory yat zour freyndis yat hes proffit of me dois nocht yair dewete nor zit service to me
quhilk is able to cum to yair rewyns schortlie and yat throcht yair awin occatioun and
falseitt⁵ yat yai sall never haif ane fut of me albeit I sold gif it to ye Clangre-
gor quhilk I wilbe layth to do gif I may git vyeris. Nocht haiffand forder ocatioun at yis
present bot God bles zou. From Ilanran ye vj of September anno lxx.

¹ Feigned or deceptive.

² Either ‘answer’ or ‘anter’ meaning adventure, which was not your particular obligation.

³ Grey Colin had helped John MacDougall of Dunollie in the 1550s when he was in trouble with the 4th earl of Argyll, see [4].

⁴ Procrastination.

⁵ Falsehood.

